

OGLEDNO-UGLEDNI ČAS IZ EKONOMIJE

Čelić Vildana, profesorica ekonomske grupe predmeta u našoj školi, zajedno sa učenicima III₃ odjeljenja (administrativno izborna područje), održala je 27. novembra 2019. godine inovativan i iznimno uspješan čas iz predmeta Ekonomija, na temu "Novac – historijski razvoj novca", a pod sloganom "Od kovanice do kartice". Čas je održan na odjelu sa numizmatičkom zbirkom Zemaljskog muzeja BiH. Generalni sponzor časa je bila UniCredit Bank d.d. Sarajevo koja je školi donirala izvjesna novčana sredstva radi unapređenja nastavnog procesa.

Učenici su kroz različite performanse, igrokaze i kvizove pokazali zavidno znanje iz ove oblasti. Cilj časa je bio da se spoji obrazovanje, kultura i realan sektor na jednom mjestu i u isto vrijeme dokaže da su sve troje zajedno nedjeljiva cjelina.



Kako se radilo o jednom neuobičajenom času, za čiju su realizaciju bile neophodne zahtjevne pripreme i mnogo uloženog truda, njemu su prisustvovali, pored direktorice Pete gimnazije Tokalija Denize, pedagoga škole Bešović Enile, profesorice Bosanskog jezika i književnosti Bećirović Adise, profesorice Matematike Muslić Dženane i profesorice Sporta Krsmanović Ine, također i Borovac-Bekaj Arnela kao predsjednica Vijeća roditelja naše škole i član Školskog odbora, Vlahovljak Mustafa – dopredsjedavajući Vijeća roditelja Pete gimnazije i član Upravnog odbora Vijeća roditelja Kantona Sarajevo, Husić Lamija – pomoćnica ministrice za srednje obrazovanje i obrazovanje odraslih, Čomor Amra – šefica kantonalne Prosvjetne inspekcije, prosvjetna inspektorica Bukva Aida, zatim Šahman Bilsena – uspješna poduzetnica i zastupnica u Skupštini Kantona Sarajevo, Marić Ana – načelnica Odjeljenja za arheologiju Zemaljskog muzeja BiH i drugi gosti.



Svi prisutni gosti, zajedno sa učesnicima u ovom ogledno-uglednom času, dobili su prigodan poklon koji im je dodijelila UniCredit Bank, a za vrijeme obilaska odjela i razgledanja numizmatičke zbirke u kojoj se nalaze i zlatni novčići iz rimskog perioda, sve vrijeme im je na usluzi bila kustosica.





Narednog dana, 28. novembra, direktorica škole, profesorica Čelić i šest učenika: Operta Hanina III₃, Piplaš Hena III₃, Šljuka Irma III₃, Tahić Ensar III₃, Bejtović Bakir IV₄ i Zulić Džejlan IV₄, gostovali su na TVSA i prezentirali javnosti ovaj zanimljiv čas kojim je rukovodila, ali ne u školskoj učionici već upravo na mjestu na kojem su izloženi eksponati koji su ustvari i bili tematika časa, profesorica Ekonomije, Uredskog poslovanja i Statistike u Petoj gimnaziji, te u kojem su uživali, kako njegovi učesnici tako i ugledne ličnosti iz resora obrazovanja u Kantonu Sarajevo i ostali gosti.

